

# Communicaziun a las medias BCG

## Nov fond d'aczijs Mund da la BCG

**Cuira, ils 6 d'avrigl 2017 – Suententer il fond d'aczijs Svizra metta la Banca Chantunala Grischuna (BCG) in segund fond d'aczijs sin il martgà. Il nov «BCG (CH) aczijs Mund» investescha en aczijs d'in univers global e cumpiglia mo interpresas che han a lung temp avantatgs da concorrenza.**

Il nov [fond d'aczijs](#) è adattà per investiders che s'interessan per ina gronda creschientscha dal chapital ed ina vasta diversificaziun al martgà mundial e cun in orizzont d'investiziun a lung temp. In acquist è pussaivel gia cun in pitschen import. Enfin la fin da zercladur 2017 pon ins segnà il fond senza cumissiuin d'emissiuin.

«Cun il nov fond offerin nus ad investiders in'investiziun interessanta ed a spargnaders in'alternativa cun schanzas da rendita pli grondas che cun products da spargn tradiziunals», declera dr. Martina Müller-Kamp, manadra BCG Investment Center. Per selezziunar a moda activa ils titels applitgescha la BCG in model da valitaziun sistematic e quantitativ. Valurs d'influenza impurtantas èn la qualitat e la valitaziun sco er il svilup dal curs e dal gudogn d'ina interpresa. Il fond vegn realisà cun 50 titels singuls e controllà ed adattà cuntinuadamain. «Ils ultims trais onns avain nus fatg ina rendita surproporziunala cun quest princip da selezziun visavi portfolios e benchmarks cumparegliabels», di Müller-Kamp.

### Lantschà agens fonds d'investiziun

Il 2016 ha la BCG lantschà ses trais emprims fonds d'investiziun. Il volumen comunabel dals dus fonds d'obligaziuns e dal fond d'aczijs Svizra importa entant passa 500 milliuns francs. En la segunda mesadad da l'onn suonda cun il fond da prevenziun BCG il proxim product.

Ulteriuras infurmaziuns davart il nov fond «BCG (CH) aczijs Mund» e davart ulteriurs fonds d'investiziun da la BCG chattais Vus sin [gkb.ch/anlagefonds](http://gkb.ch/anlagefonds).

### Contact per las medias e per investurs:

Banca Chantunala Grischuna, Medias & Investor Relations, chascha postala, 7001 Cuira

Thomas Müller, [thom.mueller@gkb.ch](mailto:thom.mueller@gkb.ch), telefon +41 81 256 83 11

Plutarch Chiotopulos, [plutarch.chiotopulos@gkb.ch](mailto:plutarch.chiotopulos@gkb.ch), telefon +41 81 256 83 13

La Banca Chantunala Grischuna sin:

[gkb.ch/medien](http://gkb.ch/medien) | [Twitter](#) | [Facebook](#) | [YouTube](#) | [Flickr](#) | [Xing](#)

---

#### Banca Chantunala Grischuna – il leader en il Grischun

La Banca Chantunala Grischuna porscha tut quai ch'i' dovra per ina banca universala moderna – per persunas privatas, l'economia ed il maun public. La banca occupa 1'015 collavuraturas e collavuratur (stadi dals 31-12-2016). En il chantun Grischun cun sias numerusas vals e pliras linguas, è l'interpresa represchentada cun 60 agenturas, la sedia principala sa chatta a Cuira. La Banca Chantunala Grischuna è participada a la Banca Privata Bellerive SA a Turitg ed a la Albin Kistler SA a Turitg. En il resultat annual preschenta ella cun ina summa da bilantscha da CHF 23,9 milliardas in gudogn dal concern da CHF 168,5 milliuns. Il scrit da participaziun BCG è quotà a la bursa dapi ils 10 da settember 1985.

#### Termins

Radunanza dals participants: 8 d'avrigl 2017  
Rendaquint semestral 2017: 27 da fanadur 2017

---